

B. N. C
FIRENZE
1142
8





1142.8

1142-8



Adons Religionis:

1142
8

R O M A E.

Apud hæredes Antonii Bladii Impressores
Camerales. M. D. LXXI.



George Washington



R O M A N

George Washington
M. D. LXXI

Pius Episcopus seruus seruorum Dei ad perpetuam reimmemorialam.



A C R O huic loco a Domino prepositi grauiore quotidie sollicitudinem concipimus, quod Religio Catholica fidei, nostre demandata tot furentium undique hostium obsidione prematur. Cuius rei in primis causa nos pridem intelligentes, quemadmodum immanissimum Turcarum Tyrannus post Cruentum Nicossæ excidium, miserabilem Cypri occupationem, frequentes & infestas in Venetos excursions, potentissimam classem numerososque exercitus ad Christianorum perniciem coniciebat, Fœdus cum Carissimo in Christo filio Philippo Hispaniarum Rege Catholico, & prefatis Venetis ad bellum Turcicum sincere omni opera curauimus, itemque aliis reipublice nostre imminuentibus periculis occurrere decreuimus. Sed quoniam omnibus Camere Apostolicæ rebus iam pridem cōminutis, & depressis, tam multis præterea contributionibus, a nostris predecessores pro temporum necessitate erogatis ad prædicta onera sustinenda modus nobis idoneus atque commodus aliorum quam imponendis nouis populo nostro tributis nequiquā accidebat quo expeditioni huic aliisque multis & maximis oneribus omnino perficiendis subueniri posset. Certum autem nobis erat omnia prius cōari quam subditos nostros nouorum onerum accessione vexare. Id nos in tantis angustiis cogit ab illis religionum conuentibus, quorum peculiarem curam gerimus auxilium aliquod expetere consentaneum arbitrari, ut filii maiori egeni subueniant, & membra capiti obsequantur cum vel illorum maxime inter se religionem vniuersam, & hanc Sanctam Sedem contra quoscumque factam restant perpetuo conseruari. Quare habitis cum fratribus nostris deliberatione matura de illorum consilio & assensu deque attributa nobis potestatis plenitudine indiximus atque imposuimus ea vna sola vice tantum subsidium Quadringentorum millium scutorum auri a nostro per omnibus bonis proprietatibus, fructibus, redditibus, decimis, censibus, & aliis iuribus congregationum Cassinensium, sanctæ Iustine de Padua, Lateranensium, Montis Oliueti, Camaldulensium, etiam quoad Eremitas Camaldulensium & Montis corone, Carthusien. Sancti Saluatoris, Vallis vmbrosæ, sancti Georgii in Alga, Cælestinorum, Cisterciensium, Lombardiæ Cruscatorum, & sancti Hieronymi eorumque monasteriorum Prioratum prepositurarum beneficiorum, & officiorum cum cura, & sine cura necnon mensarum membrorum grangiarum, & locorum omnium illis annexorum ubicunque existentium per ipsarum congregationum superiores Abbates Priores Prepositos Conuentus Capitula & personas æquata inter ipsos infra quartæ partis quantum soluent fructuum suorum collatione thesaurario nostro Generali Rome illorum periculis & impensis & alias quemadmodum inter dilectum filium nostrum Alexium tituli Sancti Marci presbyterum Cardinalem Camerarium, & ad hoc commissarium nostrum, & illos siue illorum procuratores conuocaret, integre persoluendum. At considerantes dictam Summam de vniuerso dictarum congregationum, & locorum suorum proventu debito tempore corrigari non posse, De consilio, & potestatis plenitudine similibus singulis Congregationibus & pro eis superioribus predictis facultatem tribuimus ut nullius consensu requisito ac etiam iuratis & secularibus particularibus Abbatibus Prioribus Prepositis Conuentibus, & personis eam cunctis monasteriorum & locorum de omnibus & quacunque proprietate, & dominio temporalibus cuiusque congregationis, & eius monasteriorum Prioratum Prepositurarum Beneficiorum officiorum mensarum membrorum grangiarum annexorum conuentuum, & locorum predictorum ubicunque existentium bona census seu da, & alia quicunque qualitates, &

quæ iura pro confectiōe quantitatis quæ ad complementum dictæ summæ quadringentorum millium scutorum necessaria foret duntaxat tam coniunctim quam diuisim possessa repræsentata et iam pecunia locare in emphiteosim etiam perpetuam cōcedere cō aliis permutare vendere ac quocunque alio modo, & titulo alienare, & si ipsi, siue vniuersis siue prout cuique tangit singulis superioribus vtilius videretur vnū vel plures Mōtes liberos, & exemptos dictam summam non excedentes aliorū Urbis mōtium, inslar, de, & super omnibus bonis rebus, & iuribus supradictis perpetuo vel ad tempus exigere ac eis pro ipsorum dote fructus redditus prouentus iura rerum & bonorū predictorum assignare seu illa vendere seu obligare aut pignori tradere seu super illis census creare cum quibuscunque conuenire, & pacisci ceteraque in prædictis necessaria & opportuna facere, & exequi valerent. Sed quoniam Congregationum prædictarum procuratores qui hic erant mandatum ad prædicta speciale non habebant quinetiam nonnullarum procuratores vel hinc aberant vel omnino non erant presensque necessitas vigeat prædicta quam primum facerent. Nos defectum huiusmodi supplere volentes supradictis procuratoribus etiā nomine illarum Congregationum quarum procuratores hic deerant & pro ea parte illas tangente duntaxat vocatis tamen eorum loco aliquo vel aliquibus Abbatibus aut aliis prædictentibus suorum locorum qui hic sunt tam coniunctim quam diuisim Montes erigendi & alia prædicta ad hunc effectum faciendi plenam, & liberam auctoritatem concessimus. Deum nobis non ferentibus. Montis institutionem quam prædicti procuratores vel certe illi quorum Congregationibus bona magnaue subsidii prædicti pars obtingebat in vna dictæ facultatis hic facere Mōtemque ipsum quibusdam mercatoribus omnem pecuniam dictæ Camere præstare in tempore pollicentibus, magno cum detrimēto assignare intendebant, Rursus inter Aloysium Cardinalem & Camerarium nostrum, & ipsos cameræ nomine ac prædictos procuratores de rato pro suis quemque Congregationibus promittentes, conuenit quod congregationes ipsi loco subsidii prædicti quadringentorum millium scutorum aliud subsidium, & perpetuum redemptioni tamen per cōgregationes faciendæ obnoxium triginta duorum millium scutorum auri in auro congregatio. Cassinen. videlicet decem millium septingentorum sex & bolendinorum sexdecim, Lateranen. vero quinque millium triginta octo bolendinorum octo, Carthusien. sex millium septingentorum septem decem bolendinorum quadraginta quatuor, Montis oliueti quinque millium triginta octo bolendinorum octo, sancti Saluatoris mille quingentorum quadraginta vnus bolendinorum duodecim, Camaldulen. tam pro Eremitis Camaldulen. quam etiam Montis coronæ prædictis mille quadringentorum sexaginta sex bolendinorum octuaginta octo, Vallisymbrosæ nonningentorum decem, & nouem bolendinorum quatuor, Sancti Georgii tricentorum octuaginta septem bolendinorum viginti, Cælestinorum tricentorum triginta sex, Cisterciensium centum sexaginta octo bolendinorum nonaginta sex, Cruciferorum centum quinquaginta quinque bolendinorum quinquaginta duorum, ac Sancti Hieronymi reliquorum centum quinquaginta quinque auri in auro & bolendinorum quinquaginta duorum auri, Dilecti filij Bartholomeo Bussotto nostro & dictæ Camere Thesaurario generali Romæ annis singulis alternis mensibus æquisque pro rata portionibus ac primo solutionis termino ad finem proximi mensis Iunii incipiente & sic deinceps per singula bi-mensia continuando in perpetuum ac alias supradictæ quartæ partis fructuum inlata integre persoluerent, vel in dotem erigendi a nobis Mōtis assignaretur, vel alias de eo arbitrio nostro disponderetur. Postea vero procuratores prædicti qui tunc præsentēs erant suorum superiorum nominibus iuri & facultati edimendi Montem sic a nobis erigendum dictæ quippe Camere incommodo specialiter & expresse renunciarunt & vt Mons ipse perpetuus & irreuocabilis foret consenserunt. Nos vero pro ipsius Camere commodis prædictorum rationem, ad ea quæ institui-mus ex integro capiendam fore censentes, Habitā denuo cum dictis fratribus deliberatione matura de consilio assensu, & potestatis plenitudine simili libus Indicimus, atque imponimus loco subsidii prædicti quadringentorum mil-

hūm scutorum aliud subsidium annuum perpetuum & irrevocabie ab omni prorsus decima quarta & alio ac qualicunque onere ordinario & extraordinario presentī & futuro siue pro expeditione contra Turchas defensione fidei status Romanę Ecclesię & vrbis Romę siue alia quantumcunque grauiori & inexcusabili causa etiam de simili consilio imposito liberum immune & exemptum triginta duorum millium scutorum auri in auro super omnibus, & quibuscūque proprietatibus fructibus redditibus decimis censibus bonis rebus, & iuribus omnium congregationum, & ipsarum monasteriorum Prioratuum præpositurarum beneficiorum officiorum mensurarum membrorum grangiarum & locorum omnium supradictorum etiam vnitorum, & annexorum vbicumque existentium etiam si illa de presenti vltra prædictam quartam aliis multis, & maximis grauinibus onerata sint & illa in futurum quomodocunque & ex quacunque causa grauari contigerit per superiores abbates præpositos priores conuentus Capitula, & alios prædictos depositario ad id constituendo annis singulis Romę alternisque mensibus pro rata vnumquemque tangentem & alias vt prædictum est integre persoluendum. Decernentes illos vniuersos, & singulos ad subsidium ipsum annuum triginta duorum millium scutorum auri in auro annis singulis Romę suis periculis & impen. ac alias modo, & forma prædictis soluendū etiā per subtractionem fructuum priuationem dignitatum administrationum beneficiorum & officiorum & crescente contumacia per censuras, & penas Ecclesiasticas apprehensionem bonorum & personarum cæteraque omnia iuris, & facti remedia opportuna omni, & quacunque appellatione reiecta etiam manu Regia procedendum fore ac procedi & ipsos ad hoc omni tpe coactari debere. Cæterum augescentibus in dies necessitatibus, & periculis quam maximas possumus summas concipere coacti, De eisdem consilio assensu, & potestatis plenitudine erigimus, & instituimus in dicta Vrbe vnum Montē Religionis nuncupandum, eundemque perpetuū & irrevocabilem cuius portiones siue loca nec vacabilia nec centum scutis auri in auro inferiora sint alias instar fidei, & aliorum dictę Vrbis motium loca nō vacabilia habentia dirigendum, & exercendum pro omnibus vtriusque sexus laicis necnō presbyteris & aliis clericis ecclesiarum prælatis etiam S. R. E. Cardinalibus ac ceteris cuiuscunque dignitatis status & cōditionis secularibus & quorumcunque ordinum etiam mendicantium ac militiarum regularibus etiam quæcunque quotecunque, & qualia cunque beneficia Ecclesiastica cum cura, & sine cura obtinentibus, & expectatibus, & aliis quibuscūque personis oīs ætatis, etiā illegitimis incapacibus, & inhabilibus, necnō Ecclesiis capitulis Cōgregationib⁹ cōuētibus societatib⁹ hospitalibus Capellis & locis Ecclesiasticis religiosiis & p̄sanis qui pecuniis etiā de fructibus p̄sonibus & aliis rebus Ecclesiasticis quolibuscunque confectas in ipsum montem vsque ad eam, summam quam pro ratione fructuum, & emolumentorum dotis eiusdē concipere potuerit mendicantes videlicet, & alii regulares prædicti proprium non habentes in communi posuerint, Quæ quidem personę Collegium inter se cum sigillo & cæteris insignibus constituere, Defensores aliosque ministros & officiales idoneos ordinare & destituere stipendia præscribere, statuta condere condita reformare, penas decernere delinquentes & contumaces mulcare, ac quæcunque alia facere, & exequi possint ad stabilimentum directionem, & conseruationem dicti Montis necessaria & etiam opportuna. Ipsi autem monti sic erecto, & instituto applicamus, & appropriamus eique titulo venditionis & alienationis perpetuo cōcedimus & assignamus & in ipsum transferimus prædictum subsidium annuum triginta duorum millium scutorum auri in auro & prædictis omnibus dñeribus nec non collationibus tributis indictionibus & prorsus omnibus & quibuscunque aliis grauinibus ordinariis & extraordinariis presentibus & futuris etiam pro edificatione vel instauracione pontium portarum. mœnium viarum arcium Vrbium & locorum refectione stratorum & quibusuis aliis causis quantumcunque necessariis, & vrgētibus perpetuo exemptum immune liberum & expeditum. Pominusque ac substitutum, & surrogamus in nostrum, & Camerę prædictę locum ius & actionem quoad subsidium ipsum eiusque liberam exactionem & perceptionem eun-

dem Montem collegium loca & personas ipsius quæ illud sic liberum & expeditum perpetuo habeat & de eo omni, fructus & emolumenta omnium locorum prædictorum ad rationem septuaginta septem Iuliorum annuatim pro singulis locis Rome in singula bimestria pro rata temporum & locorum abique conscientie scrupulo abique restitutionis aut in forem principalem deductionis onere libere & integre percipiant, & in quos uoluerint, utinon conuertere, & prorsus de illis disponere & ordinare libere & licite valeant ac si ex bonis hereditariis ab initio profecta fuissent. Ad hæc illorum omnium securitati plenius consulere volentes omnia & quæcunque huius sedis & Cameræ ac etiam omnium congregationum Monasteriorum, Prioratuum, Præpositurarum, grangiarum & locorum prædictorum bona immobilia mobilia & se mouentia necnō fructus regalia res actiones & iura præsentia & futura vbicumque existentia prædicto Mōti Religionis ejusque personis in solidum specialiter, & expresse obligamus. Volumusque dictam Cameram illos ab omni & quocunque damno derimento incommodo & molestia omni tempore liberare debere. Vt autem Mons ipse Religionis cōmodis facultatibus instructus promptiores effectus fortiri felicioreque successu consequi possit perpetuo concedimus, vt quicumque prædictorum loca ipsius Montis siue ex prædictis siue ex aliis & quibuscunque fructibus, ac pecuniis confecta vnum vel plura & quantacunque habuerint illa tanquam bona patrimonialia paterna auita & profana obineant & in eis eorumque fructibus & emolumentis ipsorum filii, & hæreses vtriusque sexus quicumque fuerint etiam illegitimi, & alias quomodocunque inhabiles tam ex testamēto, quā ab intestato succedere deque eis simul vel successu ac quociescunque siue donationis inter viuos vel causa mortis siue legati cessionis, venditionis siue alio quocunque titulo iure, & modo ac etiā simplici scriptura manu sua scripta vel subscripta nullisq; adhibitis testibus etiam in fauorem suorum vel aliorum illegitimorum prohibitorum & incapacitum etiam si illa in plures illegitimos incapaces, & prohibitos ordine successiuo transferant ac alias vti cuique libuerit disponere. Quinetiam loca prædicta quocunque modo obtinentes si illa in alios cedere aut transferre ac etiam illi qui loca huiusmodi alius acquirere voluerint, tales in huiusmodi cessionibus translationibus, vel acquisitionibus sibi ipsis vel aliis etiam quoad vixerint omnimodam dictorum locorum sic cessorum, vel acquisiteorum administrationem eorumque fructus & emolumentorum perceptionem nec non plenam liberam, & absolutam potestatem illa quandocunque voluerint nulla etiam subsistente causa ad se recipiendi & reuocandi seu alii vel aliis vendendi alienandi, donandi relinquendi obligandi, & pignori apponendi super eis paciscendi & contrahendi & prorsus omnem aliam ipsorum dispositionem ius, & facultatem (nullo obtinentium consensu desuper requisiti) aut alia solemnitate seruata ac etiam cum prohibitione huiusmodi administrationis fructuum perceptionis, cessionis, venditionis obligationis, fideiussionis aut alterius cuiuscunque dispositionis per ipsos obtinentes faciendo, nec non decreto irritant, quæcunque secus facta fuerint ab eisdem) reservare & obtinere libere, & licite valeant nulla alia licentia a nobis aut alio Romano Pontifice pro tempore existente impetrata aut compositione pro his cum Datario vel quoquam alio facta vel soluta seu confirmatione aliaque solemnitate aut scriptura desuper requisita. Ita tamen quod illegitimi in eis locis nullo modo succedant, quæ de fructibus seu pensionibus aliisue rebus Ecclesiasticis fuerint comparata, ceterum nulla omnino loca prædicta nullius eorum fructus & emolumenta, etiam causa rebellionis prodicionis assassinii sacrilegii læsæ maiestatis, aut aliorum criminum quantumcunque grauius & enormius per loca ipsa obtinentes (non tamen in personam Ro. Pontificis aut S. R. E. Cardinalis) commissores etiam confessorum & probatorum vspiam publicari, nec alias Fisco applicari, aut publicata Fiscoe applicata declarari seu deliberari nec sub vllis generalibus vel specialibus omnium bonorum rerum & iurium confiscationibus proscriptionibus, aut aliis adiudicationibus propter factis, & decretis seu aliis etiam ipso iure deuolutionibus, etiam si sententia Capitalis & mors secuta esset comprehendantur, sed semper ab illis excepta sint, & esse censeantur

seantur, eisque non obstantibus talium delinquentium filii & hæredes in huiusmodi locis
 & fructibus ut præfertur succedere & illa ad eos devenire omnino debeant, seu ipsius delin-
 quentes de eisdem perinde disponere modis omnibus supradictis, valeant ac si criminum
 huiusmodi expertes, & insontes existerent. Cōcedimus quoque Monti, & futuro colle-
gio religionis omnibusque illius personis supradictis tam coniunctim quam divisim & in
 perpetuum ut omnibus, & quibuscunque aliis privilegiis exemptionibus facultatibus gra-
 tiis favoribus & indultis fidei prædictæ & cæteris Urbis & diocesis nostræ temporalis nō-
 sibus eorumque collegiis & personis in genere & in specie ac communiter & divisim tam
 in ipsorum montium institutione quam inde usque per Romanos Pontifices præde-
 cessores nostros ac nos & sedem prædictam sub quibuscunque tenoribus & formis ac
 cum quibusvis clausulis & decretis concessis confirmatis extensis & moderatis (quæ ac si
 ad verbum infererentur, habemus præsentibus pro expressis) quibusque Montes Colle-
 gia & persone huiusmodi utantur potiuntur, & gaudent ac uti potiri & gaudere poterunt
 quomodolibet in futurum itidem uti potiri, & gaudere, Vt: ipsi unum duo vel plures S.
R. E. Card. vel alium seu alios Montis collegii personarum rerum & iurium omnium præ-
dictorum Protectores cōservatores & defensores ac etiam congregationum superiorū Ab-
batum Priorum, & aliorum omnium prædictorum tam coniunctim quam divisim com-
 pulsores & denique montis Iudices contra illos, & quoscunque alios cum omnibus supra-
 dictis & quibuscunque aliis facultatibus & iurisdictionibus ordinariis & delegatis ad id re-
 quisitis necessariis & opportunis quotienscunque ipsis videbitur, assumere, cæteraque om-
 nia ad subsidii prædicti triginta duorum millium scutorum exactionem, & salutem Mon-
 tis & Collegii directionem illiusque personarum commodum & favorem opportuna ge-
 rere, & exercere libere & licite valeant, etiam si talia sint quæ facultatem aut mandatū spe-
 cialius requirant quam præsentibus sit expressum. Volentes similique consilio assensu, &
 potestatis plenitudine statuentes Mōtem Religionis subsidium triginta duorum millium
 scutorum auri in auro Collegium portiones, & loca omnia supradicta nullis omnino re-
 uocationibus extinctionibus reductionibus diminutionibus mutationibus aut aliis con-
 trariis dispositionibus, etiam occasione seu prætextu enormis & enormissimæ læsionis vi-
 gentis necessitatis seu etiam evidentis utilitatis aut alia, & quacunque causa siue in specie
 siue in genere faciendū obnoxia esse sed firma perpetuo & iniolata consistere nec quēquā
 prædictorum aut filiorum heredum & successorum suorum & ab eis causam habentium su-
 per his, seu etiam fructibus, & emolumentis prædictis quocunque modo turbari vel impe-
 diri neque ad probandum seu docendum in iudicio vel extra illud erogationem pecunia-
 rum in ipso Monte positarum aut partis earū in prædictas aut alias sedes & Cameræ præ-
 dictarum necessitates vlllo tempore teneri nec ad id a quoquam compelli posse. Ac decer-
 nentes præsentibus vim validi, & irrevocabilis contractus inter nos & omnes deinceps suc-
 cessores nostros & ipsas sedem & Cameram necnon singulas congregationes ac Montē Re-
 ligionis Collegium & personam eiusdem ipsarumque personarum filios successores & cau-
 sam habentes supradictos solemniter initi & stipulari perpetuo obtinere eundemq; ab om-
 nibus, & vbiq; semper custodiri nec ab eo in aliquo resiliiri posse nec presentes siue ob, nō
 præstitum a Cōgregationibus & superioribus consensum siue non servatas iuxta statuta,
 & privilegia sua solemnitates siue alio quopiam defectu notari seu in ius aut controuer-
 siam reuocari vlllo vnquam tempore possit sed his & aliis quibuscunque exceptionibus, &
 oppositionibus non obstantibus ad præstationem perpetui subsidii prædicti liberi & expedi-
 titi triginta duorum millium scutorum auri in auro Monti Religionis Collegio & perso-
 nis eiusdem modis prædictis faciendam perpetuis temporibus teneri, & ad id tam cōiun-
 ctim quam divisim & alias viis & remediis omnibus opportunis compelli, Sicque in hisce
 terisq; omnibus supradictis per quoscunque Iudices ordinarios & delegatos etiam S. R.
 E. Card. in quavis causa & instantia sublata cuique aliter iudicandi & interpretandi facul-
 tate vbiq; iudicari & diffiniri debere, necnon irritum & inane quidquid secus per quos-
 cunque.

unquę scienter vel ignoranter contigerit attentari. Postremo vt in Mōtis prædicti Religionis exercitio quę illius precipua sunt iam nūc a probis & peritis fidelius, & cautius exequantur prædictum Bartholomæum & pro tempore existentem Cameræ prædictæ Thesaurarium præsentem, & dilectos filios Hieronymum Ceulum Pisan. Depositarium pecuniarum, Alexandrum Thomasm Senen. Notariū & Secretarium ac Vincentiū Rentiū Florentinum Computatorem dicti Montis Religionis quoad ipsi vixerint cum omnibus & quibuscunque priuilegiis honoribus oneribus & emolumentis debitis, & consuetis constituimus, & ordinamus, Ad hoc vt ipsi, Bartholomæus videlicet ac futurus omnis Thesaurarius & Præses noster & Cameræ prædictæ nomine omnia loca prædicta vendere & pretia recipere & præterea ipse vel eo absente Clericorum dictæ Cameræ antiquissimus qui presens fuerit ipsorum locorum resignationes, & cessiones coram dicto Secretario, & alias in forma solita admittere, & illa siue per resignationem siue per obitum aut aliis quibuscunque modis & ex quorumcunque personis pro tempore vacatū alii vel aliis concedere eumque vel eos in cedentium vel decedentium, aut alias loca ipsa dimittentium locum & ius substituere & surrogare ac aliorum Portionariorū numero & cōsortio ascribere, ipsisque de fructibus & emolumentis locorum huiusmodi integre responderi facere literas super his necessarias nomine suo sub dicti Collegii Sigillo conficere, & cætera omnia ad hec necessaria, & opportuna exequi, Hieronymus vero Ceulus Depositarius sub fidium prædictum triginta duorum millium scutorū auri in auro ad se recipere ac fructus & omnia portionum & locorum prædictorum temporibus præscriptis adhibita etiam dicti Vincentii Computatoris opera persolvere, & Alexander Secretarius expediendarum huiusmodi literarum curam habere illisque subscribere sigillum Collegii custodire in surrogationibus heredum & successorum priusquam ipsi ad loca suorum admittantur legittimas de morte & quod veri heredes sint, & alias requisitas probationes petere, & recognoscere, Inuentarium literarum librorum auctoritarum, & instrumentorum omnium dicti Montis presentium, & futurorum conficere, & fideliter asseruare, ac in primitiuis locorum omnium prædictorum concessionibus pro singulis duos duntaxat deinceps vero in perpetuum quinque capere possint nihilque ultra siue pro eisdem siue pro sigillo registratura siue alia causa ratione totalis huiusmodi expeditionis & admissionis a quoquam exigatur. In ceteris vero horum quisque pro se facere, & exequi in prædictis valeat quemadmodum in alijs huiusmodi Mōtibus & Collegiis consuevit, & ab eis obseruatur. Non obstantibus præmissis & felicitis recordationis Bonifacii Papæ VIII. de vna & in Concilio generali edita de duabus dietis necnon Symachi Alexandri VI. Pauli II. Pauli III. ahorumque Romanorum Pontificum & nostris de rebus Ecclesiæ & huius sedis ac Cameræ non alienandis aliisque Constitutionibus, & ordinationibus Apostolicis, & in Concilijs generalibus editis prædicta siert specialiter & expresse prohibentibus, & facta irrita de cernentibus necnon Cameræ Congregationū, ordinum Monasteriorum Conuentuū montium Collegiorum Hospitalium & locorum prædictorum iuramento confirmatione Apostolica vel quauis firmitate alia roboratis statutis consuetudinibus vsibus & naturis priuilegijs quoque indultis exemptionibus & literis Apostolicis eisdem Cameræ Congregationibus, Monasterijs Conuentibus ordinibus hospitalibus Montibus Collegijs & locis per quoscunque Romanos Pontifices predecessores nostros ac nos & sedem Apostolicam etiam per viam generalis legis, & statuti perpetui, ac iniuri, & stipulati contractus seu quasi, & alias sub quibuscunque tenoribus & formis ac cum quibuscunque reuocatiuis derogatoriis derogatorijs alijsq; fortioribus efficacioribus, & insolitis clausulis necnō irritatis & alijs decretis etiam motu proprio, & ex certa scientia deque consilio assensu, & potestatis plenitudine similibus ac pro conseruatione status dignitatis & existimationis S. R. E. ac dictarum Religionum etiam consideratione intuitu, contemplatione, vel ad instanciam Imperatoris Regum Ducum, & aliorum Principum quandoque & quotiescunque cōcessis confirmatis & etiam iuratis vicibus ianuatis extensis, & moderatis supràque ho-

minum memoriam continue, & pacifice observatis etiam disponentibus q̃ similes vel di-
 similes impositiones perpetue vel temporales nullatenus aut iustis causis, in Capitulis gene-
 ralibus propositis discussis, & verificatis & cōcordibus, suffragiis admitti necnon vnanimi
 patrum omnium consensu & alias certis modis & formis servatis fieri possint & si alias
 hant impositiones huiusmodi, & litere desuper confecte ac omnia inde secuta nullius prior
 sus sint roboris vel momenti quodque statutis stabilitis vbius naturis priuilegiis in-
 dultis & aliis supradictis in aliquo quantūcunque modico nequeat derogari, & si illis quo-
 cunque modo derogetur derogationes huiusmodi, & quacunque illarum prætextu sient
 viribus prorsus & effectu carere censantur ac Cōgregationes superiores Abbates & alii
 supradicti mandatis & literis Apostolicis sub quibusvis verborum formis conceptis pare-
 re, quodque eisdem vel aliquibus aliis communiter vel diuissim a prædicta sit sede indultū
 vel deinceps indulgeri contingat quod ad præstationem vel solutionem aliquam minime
 teneantur nec ad id ullatenus compelli aut quod interdicti suspēdi vel excommunicari non
 possint per literas Apostolicas non facientes plenam & expressam, & ad verbum de indul-
 tis huiusmodi mentionem & quibuslibet aliis priuilegiis Indulgentiis & literis Apostoli-
 cis generalibus & specialibus cuiuscunque tenoris existant per quæ præsentibus nō expres-
 sa aut omnino non inserta effectus earū impediri valeat quomodolibet vel differri & de
 quibus quorumque totis tenoribus ad verbum habenda sit in nostris literis mentio specia-
 lis, quæ omnia, & alia quæcunque effectum prædictum impediunt vel impedire valētia
 omnino tollimus, & abrogamus cæterisque contrariis quibuscunque. Quia vero præsen-
 tes non poterunt ab illis omnibus quibus ipsis opus erit haberi, Volumus vt earum exem-
 plis etiam impressis secretarii prædicti vel alterius publici Notarii manu et ipsius Mōtis
 Religionis seu Cameratii aut alterius in dignitate Ecclesiastica constituti eiusque curie si-
 gillo obsignatis eadem jlla prorsus fides iudicio, & extra illud vbiq̃ue locorum adhi-
 beat quæ adhiberetur eisdem præsentibus si forent exhibite vel offēse. Nulli ergo om-
 nino hominum liceat hanc paginam nostre indictionis impositionis erectionis institutio-
 nis applicationis appropriationis concessionum assignationis translationis positionis sub-
 stitutionis surrogationis obligationis statuti decretorum constitutionis ordinis sublatio-
 nis obligationis & voluntatis infringere vel ei ausu temerario contraire. Si quis autem
 hoc attentare præsumpserit indignationem omnipotentis Dei ac beatorum Petri & Pau-
 li Apostolorum eius se noverit incursurum. Dat. Romæ apud Sanctum Petrum Anno
 Incarnationis Dominicæ Millesimo quingentesimo septuagesimo primo, duodecimo, Ca-
 lendas Iunii Pontificatus Nostri Anno Sexto.

✠ Ego Pius Catholica Ecclesie Episcopus.



- ✠ Ego Christo. mad. Card. Eps Port.
- ✠ Ego Otho Truchses Episcopus Card.
Prænestin. Augustanus
- ✠ Ego A. Car. Far. Eps Tusc. Vicecan.
- ✠
- ✠ Ego Io. Car. Polit. Episc. Albanen.
- ✠
- ✠ S. Cardinalis Pisarum.
- ✠ Ego I. Card. Sabellus.
- ✠ Ego Io. Ant. Card. S. Georgij.
- ✠ Aloy. Cor. Car. Camerarius.
- ✠ Stani. Card. Vuarminen.
- ✠ F. Card. Pacheco.
- ✠ M. Ant. Card. Amulius.
- ✠ Ego Hieron. de Corrigio.

- ✠ Ego I. Fran. Card. de Gambara.
- ✠ M. Silius Card. Alia emps.
- ✠ Ego A. Card. Gejwaldus.
- ✠ Ego N. Card. de Sermoneta.
- ✠ Ego Hip. Card. Ferrariensis.
- ✠ Ego In. Aualus Car. Arag.
- ✠
- ✠ Ego Ptol. Card. Comensis.
- ✠ P. Card. de Sancta Cruce.
- ✠ Hugo Boncompagnus Car. s. Sixti.
- ✠ Ego Flavius Car. Vrsinus.
- ✠
- ✠ Ego Benedictus Card. Lomellinus.
- ✠ Gul. Card. Sirletus.
- ✠ Fr. M. B. Card. Alexandrinus.

✠ F. Hieron. de Claravalle.
✠ Io. Pa. Car. ab Ecclesia.
✠ Ego M. Ant. Card. Maffeus.
✠
✠ Ego Iul. Ant. Car. S. Senerina.
✠ P. Card. Cassius.
✠ C. Car. Rambolletus.
✠ F. A. Car. Theanensis.
✠ Ego F. Felix Card. de Monte alio.

✠ Ego P. Car. Placentin.
✠
✠ Ego F. Vincentius Car. Iustinian.
✠ Ego Hier. Car. Rusticius.
✠ Ego Io. Hiero. Car. Albanus.
✠ Ego Hier. Card. Simoncellus.
✠ Fer. Car. de Medicis.
✠ Iul. Car. de Aquavivis.

Cz. Gloricius?

A. de Alexiis.


2

[Faint, illegible handwritten notes]

[Faint, illegible handwritten text]

[illegible]

2228









MC

